

Zuekunfts-Beppi.

Schnitzelbank 1926.

1. Verschwunde-n-isch zum guete Gligg
Fir d'Hind der Mulkorb und der Strigg;
Bischäftigungslos isch d'Polizei,
Drum suecht me-n-e-n-anderi Kalberei.

Ihr z'verschaffe neji Kunde,
Het mer der Sens unique gfunde,
Jetz derfe die, wo dure fahre,
Nur uff **aim**Wäg d'Lyt und d'Hind verkahre.

2. Uf der Mäss am Riechering
Zeigt me s'neischi Wunderding:
E **kopflös** Wyb — o jemine —
Kasch an jedem Egge gseh.

Die vom wilde Viertel dusse
Prolete grad wie d'Sowietrusse.
Und fir d'Schugger git's e Hatz,
Mit **Benzol** wird g'rumt d'r Platz.

3. Greessewahn wo fiehrsich du ane?
Wege-re Spaghetti-Fahne

Kunnt in d'Setz d'r **Tamburist**
Well Er mit d'r Gable-n- - isst.

Der Roti Fritz im Grosse Rot
Fir d'Wahle Kapital drus schloht:
Der **Bonus** schänggt em drum zuem Schluss
E Fläsche **prima Rizinus**.

4. Die wo d'Kunschwärk tien versaue,
G'here grindlig emol verhaue;

Bim Wehrmannsdänkmol het's nyt g'nutzt
Bis z'Mittag isch's wieder abeputzt.

Rede tuet, er gäbt's nit billig,
By der Monumentsenthillig
In Wort und Geste heillos guet
Der **Stribli** in sym graue Huet.

5. Es isch e Gaudium fir d'Getter
Dä Schrytt d'r Inserate-Bletter,

S'**Nachtblatt** schuflet scho am Grab
Vom verkehrte **Faslerstab**.

Derby wänn Baidi um's verworge
Fir Hyslipapier fir is Sorge.
Drum sind doch nit wie Hund und Katz
Im W. C. isch fir beidi Platz.

6. **Viggdremil's** Herrlichkeit
Samt em Blogg sin zämmekeit,

Au s'paggtiere mit de Rote.
Het-em gä e schächti Note.

Lämmer, Ripp und **Kromer Hansi**
D'Birger wänn au do nit an si,
D'Regierig macht no links e Rutsch
Und au d'r Ständesitz isch fufsch.

7. Wenn in Zuekunft e Kommers
D'Studänte mache, besser wär's
Dass me — d'**Fagunze** hän's erfahre —
Nit nohär uff em Rhy tät fahre.

Gwehnlig het me trungge gha,
Und d'Chrschtehait wär ibel dra,
Wenn im Rhy by där Affäre
Die Pfarrer no versoffe wäre

8. Fir **Kryzworträtsel** leese z'kenne
Tuet alles 's Hirni sich verbrenne,
Scho d'Binggis, 's isch zuem Teifel hole!
Me sott ene der Ar . . . versohle.

Bappe, Mamme, Kind und Magd
Mache mit die wildi Jagd;
Fahrt's dāwäg wyter, wird d'Friedmatt
No 's **gaischtig Zentrum** vo der Stadt.

9. Freiland! Freigeld! alles frei!
Teent das **Nullizapfe-G'schrei**.

Ob ain ryeh isch oder arm
Er kriegt e Hus am Gotterbarm.

Im Noulli trait's e Saugäld y;
Sunscht kennt er nit der Kolonie
No zletscht mit eme Schwimmbad nutze,
Sie miesste 's F trogge putze.

10. E Film vo Scheenheit und vo Kraft
De Mugger gar viel Erger schafft.

Fir d'Jugend sygs e grossi Gföhr
Z'wisse wo iberall wachse d'Hoor.

O **Niederschmuser** lueg doch a
Im Manet sy Olympia —
Au du bisch ohni d'r Kaput
Uf d'Erde ko ganz f blutt.

